



შირაკი

SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№8 (9.622)

15-22 მარტი 2014 წელი

ფასი: 50 თეთრი

ყოველკვირეული გამოცემა

სოფლის კრებებზე პრიორიტეტები გამოიკვეთა



დედოფლისწყაროს მუნიციპალიტეტის გამგებელი ნიკოლოზ ჯანიაშვილი, მოადგილესთან ნიკოლოზ ხუციშვილთან ერთად, 7 მარტს სოფელ სამთაწყაროსა და ქვემო ქედს ეწვია, სადაც მოსახლეობას შეხვდა. შეხვედრის მიზანი, სოფლის მხარდამჭერი პროგრამის პრიორიტეტის გამოვლენა იყო. სოფელ სამთაწყაროს მოსახლეობის მოთხოვნით, ამ პროგრამის ფარგლებში გარემონტდება საბავშვო ბაღი და 25 ტონიანი სასწორის შექმნა იგეგმება.

რაც შეეხება ქვემო ქედს, სოფლის კრებაზე გადაწყდა, რომ გარემონტდება საბავშვო ბაღი და ბაღისთვის შეიქმნენ ატრაქციონებს, გაკეთდება წყაროსთან მისასვლელი გზა და დამონტაჟდება გარე განათება.

8 მარტს, დედოფლისწყაროს მუნიციპალიტეტის სოფლებში, არბოშიკში, მირზაანში და ზემო მაჩხაანში

სოფლის კრებები გაიმართა. კრებებს მოსახლეობასთან ერთად მუნიციპალიტეტის გამგებელი ნიკოლოზ ჯანიაშვილიც დაესწრო, რომელმაც დამსწრე ქალბატონებს 8 მარტი მიულოცა. სოფლის კრებების მიზანია გამოავლინოს ის პრობლემები, რომლებიც სოფლის მხარდამჭერი პროგრამით მოგვარდება.

სოფელ ზემო მაჩხაანში, სოფლის პროგრამით გათვალისწინებული თანხა მიმართული იქნება წყლის სისტემის რეაბილიტაციაზე, ასევე კულტურის სახლის მიმდებარე ტერიტორიაზე მოწყობა ბავშვთა დასასვენებელი პარკი.

რაც შეეხება სოფელ მირზაანს, მირზაანის მოსახლეობის გადაწყვეტილებით, რაჭველების უბანში დამონტაჟდება გარე განათება. სოფელ არბოშიკში გარემონტდება საბავშვო ბაღი და მოხდება სასმელი წყლის სათავო ნაგებობების განმენდა.

მრავალშვილიანობის ჯილდო

ვინ მიიღებს ფულად დახმარებას და რა ვადით დემოგრაფიული პროგრამის ფარგლებში?!

ახალი სახელმწიფო პროგრამა, რომელიც იმ რეგიონებში, სადაც შობადობა შემცირებულია, მშობლებისთვის ყოველმესამე შვილზე ფულადი დახმარების გაცემას ითვალისწინებს, მხოლოდ 2014 წლის 1 ივნისის შემდეგ დაბადებულ ბავშვებზე გავრცელდება. როგორც კახეთის საინფორმაციო ცენტრს ჯანდაცვის მინისტრმა დავით სერგეენკომ განუცხადა, სამინისტრო იზრუნებს, რომ ახალი პროგრამის ამოქმედების და მასში მონაწილეობის შედეგად, სოციალურად დაუცველ ოჯახებს საარსებო შემწეობა არ შეუწყდეთ.

დღეს ცნობილი გახდა, რომ პირველი ივნისიდან იმ რეგიონებში, სადაც შობადობა შემცირებულია, ყოველი მესამე შვილის მშობელი სახელმწიფოსგან ყოველთვიურ დახმარებას მიიღებს. დახმარების ოდენობა მთიან რეგიონებში 200 ლარი, ხოლო ბარში 150 ლარი იქნება. პირველ ეტაპზე

ეს გადაწყვეტილება 6 რეგიონს შეეხება. დახმარებას მიიღებენ რაჭა — ლეჩხუმში, ქვემო სვანეთში, სამეგრელო — ზემო სვანეთში, იმერეთში, კახეთსა და მცხეთა — მთიანეთში. იქმნება დემოგრაფიულ საკითხებზე მომუშავე სამთავრობო კომისია, რომელსაც პრემიერ — მინისტრი ირაკლი ღარიბაშვილი უხელმძღვანელებს.

შრომის, ჯანმრთელობისა და სოციალური დაცვის მინისტრის დავით სერგეენკოს განმარტებით, ეს არის სახელ-

მწიფოს სტრატეგია, რომელიც მოიცავს რამდენიმე მიმართულებას.

საერთაშორისო გამოცდილების გაზიარებით. კონკრეტულად, პროექტის ამ კომპო-

რეგიონებში, სადაც დემოგრაფიული ბალანსი იყო უარყოფითი, დაბალი შობადობა და მაღალი სიკვდილიანობა, აქ მიმართული არის სახელმწიფო სტრატეგია სწორედ მრავალშვილიანობის სტიმულირებისკენ. იმ რეგიონებში, სადაც არის გაზრდილი დედათა სიკვდილიანობა, უფრო მეტი აქცენტი გაკეთდება ორსულთა მოვალასა და პატრონაჟზე, — აღნიშნავს ჯანდაცვის მინისტრი.

დავით სერგეენკოს განცხადებით, ფულადი დახმარება მხოლოდ 2014 წლის 1 ივნისის შემდეგ დაბადებულ ყოველმესამე და მომდევნო ბავშვზე გაცემა, ორი წლის ასაკამდე.

„ეს იქნება ყოველთვიური დახმარება და საწყის ეტაპზე გავრცელდება ორი წლის ასაკამდე. მაღალმთიან რაიონებში იქნება არა 150 ლარი, არამედ 200 ლარი. ეს იქნება არა ოჯახის უკვე მესამე, მეოთხე

(გაგრძელება გვ.3)



„მოდელის შერჩევა მოხდა ქვეყნის დემოგრაფიული სიტუაციიდან გამომდინარე და

ნენტის დაგეგმვა, რაზედაც ჩვენ ახლა ვსაუბრობთ, მოხდა რეგიონული მიდგომით. ანუ

სოფლებში უხვედრება დიდი სტიქიური და იმაღლი ჩამოსახ

გვ. 4-5

ჯანდაცვა ხელმისაწვდომი გახდა

გვ. 3

წარჩინებული სტუდენტები სახელმწიფო სტრუქტურებში 6-თვიან სტაჟირებას გაივლიან

გვ. 2

რატომ უმეცირდა ცხვრის ექსპორტი?!

გვ. 5

ჯანდაცვა ხელმისაწვდომი გახდა

ჩვენი გაზეთის მიერ ჩატარებული გამოკითხვის საფუძველზე, გამოიკვეთა მთელი რიგი აქცენტები, რომელიც საყოველთაო ჯანდაცვის პროგრამის სფეროში არსებულ ვითარებას ასახავს. მოსახლეობის ბარკაბულ ნაწილს, განსაკუთრებით ხანდაზოველს, დღემდე კითხვები აქვთ აღნიშნული პროგრამის მიმართ. მათი უკეთესი ინფორმირებულობის გათვალისწინებით, გთავაზობთ ექსპერტულ ინტერვიუს კახეთის რეგიონის საყოველთაო ჯანდაცვის პროგრამის ინსპექტორის სამსახურის დედაფოსტის მეთვალყურე მთავარ სპეციალისტ-მონიტორთან, ექიმ ნათელა თამაზაშვილთან.

ქალბატონო ნათელა, ვთხოვთ, მოგვანოვოთ ინფორმაცია,

უფრო კონკრეტულად თქვენი პროგრამის მუშაობაზე, მის მოცულობებზე, მის დადებით შედეგებზე, რომელიც დღემდე აისახა ჩვენს მოსახლეობაზე, მის სამომავლო გეგმებზე?

ნათელა თამაზაშვილი - მოგესხებით, საყოველთაო ჯანდაცვის ინსპექტორების სამსახური, რომელიც ითვალისწინებს ყოველდღიურად შემოსულ პაციენტთა როგორც სტაციონალურ, ასევე ამბულატორიული მომსახურების ინსპექტირებას, ანუ ზედამხედველობას, 2013 წლის 28 თებერვლიდან ხორციელდება. პირველ ეტაპზე მასში ჩართულნი იყვნენ 6 წლის ასაკიდან 60 წლის ასაკამდე ქალები და 65 წლის ასაკამდე მამაკაცები, ანუ, ეს ასაკობრივი კატეგორიები მანამდე არცერთ

სადაზღვევო კომპანიას არ მიეკუთვნებოდნენ. მათი სრული, 100% - ანი დაფინანსება გადაუდებელ ამბულატორიულ-სტაციონალურ შემთხვევებში სახელმწიფომ დაიკისრა, ხოლო გეგმიური მომსახურება (ამბულატორიულ-სტაციონალური) ფინანსდებოდა თანაგადახდით.

2014 წლის 1 იანვრიდან საყოველთაო ჯანდაცვის პროგრამაში ჩართულნი არიან ამჟამად გაკოტრებული კერძო სადაზღვევო კომპანიების „არქიმედეს“ და „ალფა ჯგუფის“ ბენეფიციარებიც. უფრო კონკრეტულად კი: მან 6 წლამდე ასაკის ბავშვები, სტუდენტები, უმწეოთა ჯგუფის ბენეფიციარები, პენსიონერები, ანუ მთელი მოსახლეობა, (გარდა კერძო კომპანიებში დაზღვეულებისა), რაც შეეხება

ონკოლოგიურ პაციენტებს, მათი გამოკვლევები და მკურნალობა ჩვენს პროგრამაში გათვალისწინებულია სრული, 100% დაფინანსებით. ხოლო, პაციენტებს, რომელთაც ეს აქტივობა თეგმიური ოპერაციები, მისი მკურნალი ექიმის მიერ ივსება ფორმა 100, დგება შესაბამისი კალკულაცია იმის მიხედვით, რომელ კლინიკაშიც უნდა ჩატარდეს ოპერაცია, (მოგესხენ-

ბათ, ერთიდაიგივე ოპერაციაზე ყველა კლინიკას განსხვავებული ფასები აქვს დანესებული, თუმცა, ჯანდაცვის სამინისტროში უკვე მუშაობენ იმ რეგულაციებზე, რათა სხვადასხვა კლინიკაში ერთიდაიგივე ოპერაციაზე ერთნაირად მოხდეს გადასახადის დანესება), აღნიშნული დოკუმენტაციის საფუძველზე გაიცემა საგარანტიო წერილი საყოველთაო ჯანდაცვის რეგიონალურ დეპარტამენტში, აგრეთვე, მათ შეუძლიათ მიმართონ ჯანდაცვის სამინისტროს. ზოგიერთის საბუთები ორი კვირის ვადაში ესწრება, ზოგის კი უფრო ადრე, ან უფრო გვიან, ეს დამოკიდებულია პაციენტის რეგიონობაზე.

უნდა აღინიშნოს, რომ მალე ჩვენს პროგრამას კიდევ შემოუერთდებიან სხვადასხვა კერძო სადაზღვევო კომპანიები, რომლებიც გაკოტრების პირას არიან. სახელმწიფოს მხრიდან ეს არის ჩვენი მოსახლეობისთვის ზედმიწევნით კარგი პროგრამა, რომელიც სულ მალე გაფართოვდება, ამისათვის კი სახელმწიფო ბიუჯეტში უკვე გათვალისწინებულია თანხები. 2013 წლის 28 თებერვლიდან დღემდე სულ მომსახურება გავუწიეთ დედოფლისწყაროში 1551 პაციენტს, აქედან ამბულატორიული არის 1323, ხოლო სტაციონალური-207 ადამიანი, მათ შორის 15 მშობიარე იყო, 87 პაციენტი გადაყვანილია თბილისის სხვადასხვა კლინიკებში, შესაბამისი მკურნალობისთვის.

არ შემიძლია, გულისტკივილით არ აღვნიშნო, რომ ახალი ხელისუფლების მოსვლამდე ხალხზე ზრუნვა არავის გახსენებია, წინა მთავრობა გარიგებული იყო კერძო სადაზღვევო კომპანიებთან, რომელთაც პაციენტებიდან მხოლოდ ფული მიჰქონდათ, მომსახურება კი ნოლის ტოლფასი იყო, გაანადგურეს ჯანდაცვა, თვეებითა და წლებით აუღებელი ხელფასებით (რომელიც ისედაც მიზერული იყო) გაჭირვებაში აცხოვრეს მედპერსონალი. დღეს დანგრეულის აღდგენა ურთულესი რამაა, მითუმეტეს მაშინ, როდესაც ნოლიდან იწყებ ყველაფერს, მაგრამ ახალი მთავრობა ამისათვის ძალ-ღონეს არ ზოგავს, ეს ყველაფერი კი იმ ციფრებზე აისახება, ზემოთ რომ მოგახსენებდით. ამას ჩვენი მოსახლეობა ადვილად მიხვდება, თუ პარალელს გაავლებს თავიანთ დღევანდელ და ორი წლის წინანდელ ყოფას შორის, თუნდაც მხოლოდ ჯანდაცვის კუთხით...

- დიდი მადლობა ინტერვიუსთვის. ჩვენ კი დავძენთ, რომ უკან მოვიტოვებთ წლები, როდესაც ავად გახდომის უფლება „ეკრძალებოდით“ ადამიანებს, განსაკუთრებით იმ კატეგორიას, რომელსაც დიდი ფინანსური შესაძლებლობები არ ჰქონდათ, იმიტომ, რომ მათთვის შეიძლებოდა ყველაფერი ფატალურად დამთავრებულიყო. აღარ გვეშინია ავად გახდომის, რადგან ყველაფერი ადვილად ხელმისაწვდომია. მიუხედავად ამისა, ჯანმრთელობას გისურვებთ, ძვირფასო დედოფლისწყაროელებო.

ელზა ხარაშვილი



მრავალშვილიანობის ჯილდო

ვინ მიიღებს ფულად დახმარებას და რა ვადით დემოგრაფიული პროგრამის ფარგლებში?!

(პირველი გვერდიდან)

და მომდევნო შვილზე, არამედ პირველი ივნისიდან გაჩენილ ბავშვებზე, როგორც მესამეზე, ასევე მეოთხეზე და მეხუთეზე. ძალიან დიდი სურვილი გვაქვს, რომ ეს გავრცელდეს ზოგადად მრავალშვილიან დედებზე. ეს იქნება დამოკიდებული ამ პროექტის წარმატებაზე, რა შედეგებს მივიღებთ და საბიუჯეტო შესაძლებლობებზე“, — აღნიშნა მინისტრმა.

იმ მოზღვრების შესაძლო უკმაყოფილებასთან დაკავშირებით, რომლებიც ცხოვრობენ მაღალმთიან რაიონში და უკვე ჰყავთ მესამე ან მეოთხე შვილი და პროექტის მიხედვით, ვერ მიიღებენ დახმარებას, მინისტრი ამბობს: „უკმაყოფილება ნებისმიერ ქმედებას შეიძლება მოჰყვეს. მაგრამ საჭირო იქნება და ამას აუცილებლად გავაკეთებთ, მოსახლეობის სწორი ინფორმირება, რომ ეს არ არის პირდაპირ მრავალშვილიანობის მხარდასაჭერი პროექტი, არამედ ეს არის დემოგრაფიული პროექტი, რომლის ერთ — ერთი კომპონენტიც არის რამდენიმე შვილის ყოლის სტიმულირება. მოსალოდნელია, რომ ამან უკმაყოფილება გამოიწვიოს, მაგრამ ჩვენ

ვეცდებით, რომ სტრატეგიის ნაწილში დაბალანსდეს ყველა კომპონენტი. ეს არის ერთ — ერთი კომპონენტი“.

პროგრამას სოციალური მომსახურების სააგენტო განახორციელებს, სამოქალაქო რეესტრის სააგენტოდან მიღებულ მონაცემებზე დაყრდნობით.


„ბიუჯეტი წელიწადში 4 მილიონ ლარამდე იქნება, მეორე წელს 8 მილიონამდე გაიზრდება, ანუ მეორე წელს დაემატება პირველ წელს დაბადებული ბავშვებისთვის განკუთვნილი თანხაც და ალბათ ზღვარი იქნება 8 მილიონიანი. წელს რადგან ივნისიდან იწყება, 2 მილიონამდე იქნება“, — აღნიშნა სერგეენკომ.

კითხვაზე, აღნიშნული დახმარება ხომ არ მოახდენს გავლენას სიღარიბის დაძლევის სახელმწიფო პროგრამაზე? ანუ, თუ ოჯახს საარსებო შემწეობა აქვს დანიშნული და ამასთან, ახალი პროგრამის ფარგლებში ყოველთვიურ ფულად დახმარებასაც მიიღებს, ეს ხომ არ გამოიწვევს საარსებო შემწეობის შეწყვეტას სარეიტინგო ქულების ზრდის ხარჯზე? მინისტრმა განაცხადა: „ჩვეულებრივ სოციალურ დახმარებაზე გავლენას ახდენს

ნებისმიერი სხვა შემოსავალი, თუმცა, ისევე როგორც გაზრდილი პენსიების შემთხვევაში, ვიზრუნებთ, რომ ამ დახმარებამ არ იქონიოს გავლენა საარსებო შემწეობაზე“.

საქართველოში, შობადობის კუთხით ყველაზე ცუდი მდგომარეობა ონის მუნიციპალიტეტშია. სამი წლის განმავლობაში, 2011—დან 2013 წლის ჩათვლით, ონის რაიონში სულ 185 ბავშვი დაიბადა. ოფიციალური სტატისტიკური მონაცემებით, მეორე ადგილზე ყაზბეგის რაიონია, სადაც სამი წლის განმავლობაში 208 ბავშვი დაიბადა.

2011—2013 წლებში 227 ბავშვი დაიბადა ლენტეხში; 346 - ახალგორში; 351 - ამბროლაურში; 359 - ცაგერის მუნიციპალიტეტში; 449 ბავშვი თიანეთში; 481- ცხინვალში; 490 - მესტიის მუნიციპალიტეტში; 515 - ასპინძაში; 672 - ნალკის მუნიციპალიტეტში; 729 - თეთრიწყაროს მუნიციპალიტეტში; 751 - ადიგენის რაიონში; 752 - აბაშაში; 781- შუახევის მუნიციპალიტეტში; 791 ახალშობილი - ქედაში; 794 - ჩოხატაურში; 840 - ხარაგაულში; 876 - ტყიბულში; 967 - ხონის მუნიციპალიტეტში; 983 - ბაღდათში; 999 - ნალენჯიხაში;



სტიმული და იმედი ჩამისახა

ბი, რომ ის დაძაბული წინასწარჩვენო პერიოდის დროს, როდესაც „ქართული ოცნება“ „ნაციონალური მოძრაობის“ დამარცხებას ცდილობდა, დედოფლისწყაროში არ გამოჩენილა. თქვენს შემთხვევაშიც იგივე განმეორდა და ეს შენიშვნები თქვენი მისამართითაც ისმის. თუ გქონდათ პროტესტი იმხანად ქვეყანაში მიმდინარე პროცესებთან დაკავშირებით?

- ცხადია, პროტესტის განცდა მქონდა და ამაზე დასაწყისშიც ვისაუბრე. პოლიტიკურ პროცესებში აქტიურად ჩართული არ ვიყავი, თუმცა ჩემი მოქალაქეობრივი პოზიცია მეც და ჩემმა ოჯახმაც საარჩევნო ყუთთან ცივილიზებულ ფორმებში დავაფიქსირეთ და ასე გამოვხატე პროტესტი. კიდევ ერთს დავამატებდი, რომ ჩემთვის გამგებლის თანამდებობა არ გახლავთ საჩუქარი და ეს არ მიმაჩნია ცხოვრების იდეა-ფიქსად. ვთვლი, რომ ეს უდიდესი ტვირთი და პასუხისმგებლობაა და მაქსიმალურად ვეცდები, ღირსეულად ვატარო.

- ხალხი გვეკითხება, საბავშვო ბაღებში ძალიან დაბალი ხელფასებია და რა გეგმები გაქვთ ამ კუთხით?

- მინდა გავახარო საბავშვო ბაღების პერსონალი და გითხრა, რომ უახლოეს ორ თვეში სკოლამდელ დაწესებულებებში ხელფასები გაიზრდება. ამჟამად სკოლამდელი აღზრდის ხელმძღვანელთან ერთად დე-

ტალურად ვსწავლობთ არსებულ ვითარებას, სად რამდენი შტატია და რა ხარჯებთან გვექნება საქმე. აქვე უნდა აღინიშნოს, რომ მას შემდეგ, რაც დედოფლისწყაროში ბაღები უფასო გახდა, იქ კონტიგენტი საგრძნობლად გაიზარდა და მოსახლეობაზე დადებითად აისახა. შეგახსენებთ, დედოფლისწყარო პირველი იყო საქართველოში, სადაც ირაკლი შიოლაშვილის ინიციატივით საბავშვო ბაღებს გადასახადი გაუქმდა. ამ ფონზე კი შეიძლება ითქვას, რომ საბავშვო ბაღებში დასაქმებულმა პერსონალმა კონტიგენტის ზრდა გამირულად გადაიტანა. რაც მთავარია, უპრეტენზიოდ იმუშავეს მიზერულ ხელფასებზე, ვითარება ძალიან მალე გაუმჯობესდება.

-საინტერესოა, როგორი იქნება მედიასთან თქვენი დამოკიდებულება?

- ძალიან აქტიური ვიქნები მედიასთან. ყოველთვის მზად ვარ თანამშრომლობისთვის, კომენტარისთვის თუ სტუდიაში სტუმრობისთვის. ვერ ვხვდები და ჩემთვის მთლიანად გაუგებარია, რატომ არიან ბევრს საჯარო მოხელეები თავს უწინაღობის ტიტულს ურთიერთობას. მითუმეტეს, რომ უწინაღობის ტიტულს კონტაქტი ორმხრივად სასარგებლოა საქმისთვის.



„წლის ბოლომდე საავადმყოფოს საკითხი გადაიჭრება, ქოჩაბის ზღის საკითხის აუსილაბლად დაიძვრება - ამაზე უკვე ვეუბნებით“

- ჩვენი საუბრის დასასრულს, მინდა გკითხოთ, რამდენიმე თვეში თვითმმართველობის არჩევნები ჩატარდება, ცნობილია, რომ ცვლილებების მიხედვით გამგებლის თანამდებობაზე არჩევითი ხდება, ყველას აინტერესებს რა გეგმები გაქვთ ამ კუთხით?

- ჩემი გეგმები გახლავთ არჩევნებში მონაწილეობის მიღება და შესაბამისად გამარჯვება!.. მიუხედავად იმისა, რომ პოლიტიკურ პარტიაში განვერიანებული არ ვარ, მიმაჩნია, რომ ჩვენ ერთი გუნდი ვართ!

ილია მარტყოფლიშვილი

რატომ უემცირდა ცხვრის ექსპორტი?!

მიცხვარაო საპარტიო-ლოგი უფრო ძნელია, ვიდრე სხვა ქვეყნებში, რის მთავარ მიზეზად მიცხვარაობა გადასახადებს სასაქონლო, ამიტომაც ფინანსთა მინისტრ ნოდარ ხაღურთაძის შეხვედრისას მიცხვარაობა ასოციაციამ საომაროება დაწესებული გადასახადების შეცვლა მოითხოვა: „ჩვენ არ მოვიტოვებთ განსაკუთრებულ პირობებს, ჩვენ მხოლოდ გადასახადის ოდენობის შეცვლას ვითხოვთ, ოღონდ ისა, რომ არც ჩვენ დავზარალდეთ და არც სახელმწიფო,“ - აგზოვს საქართველოს მიცხვარაობა ასოციაციის ხელმძღვანელი ბაქა გონაშვილი, რომელიც ამტკიცებს, რომ წინა ხაზის სუფლების დროს მიცხვარაობა გადასახადი უსაფუძვლოდ გაუქმდა.

შპს-ში 2012 წლის ზამთარში 2 ათასი სული ცხვარი დაეხოცათ და 300 ათასი ლარი იზარალეს, ამას დაემატა ისიც, რომ მკვდარი ცხვრის ჩამოსაწერად თითო სულში 20 ლარის გადახდა მოუხდათ. პროცედურა ასეთია: თუ თქვენ მოგიკვდათ ცხვარი ან

თუშეთში, სადაც არც ინტერნეტია და არც იმის პირობები, რომ ის დროულად დაუკავშირდეს საგადასახადო სამსახურს? ამიტომ უნდა დანესდეს რაღაც სტანდარტი, რომ ცხვრების განსაზღვრული რაოდენობა შეიძლება დაიხოცოს შობადობის ან

ლი ცხვარი გადიოდა ლიბიაში, კატარში, ლიბანში, სირიაში, იორდანიაში, ქუვეითში, ირანში, დუბაიში, მაგრამ ეს ბაზრები დავკარგეთ და შარშან მხოლოდ აზერბაიჯანილა დაგვრჩა. იორდანიაში, ძირითადად, სომხეთიდან შემო-

- ჩვენი ჯიშები დაბალპროდუქტიულია, რატომ?

- თუშური ცხვარი წელიწადში ერთ ბატკანს გვაძლევს, მაშინ, როცა არსებობს ჯიშები, რომლებიც ორ, სამ, ოთხ ბატკანსაც კი იძლევა. ჩვენი ცხვარი წელიწადში 50 ლიტრამდე რძეს იწველება და აქედან 30-35 ლიტრი ბატკანს მიაქვს, მაგრამ არსებობს ჯიშები, რომლებიც 200-300 ლიტრ რძეს გვაძლევს. ამიტომაც სჭირდება ქართულ ცხვარს სელექცია, სხვა ჯიშებთან შეჯვარება და გაუმჯობესება.

აუცილებელია სტაციონარული ბაგების შექმნაც. გაზაფხულზე, დოლის შემდეგ, საქართველოში გვყავს დაახლოებით 800 ათასი სული ცხვარი და გვაქვს 250 ათასი ჰექტარი ზამთრის საძოვარი. ნორმით 1 ჰექტარზე ერთი სული ცხვარი უნდა მოდიოდეს, ჩვენ კი 1 ჰექტარზე სამი და ოთხი ცხვარი გვყავს. ამის გამო საძოვრები ცუდ დღეშია. ფერმერებს, ვისაც საამისო თანხა აქვთ, შეუძლიათ სტაციონარულ პირობებში ჰყავდეთ ცხვარი, თვითონ მიხედონ საკვებ ბაზას (ხორბალი, ქერი), ადგილზე მოუარონ და შეინახონ. თუ ჩვენში ასეთი ფერმები შეიქმნება, მაშინ 1 ჰექტარზე ცხვრის სულადობა დაიკლებს და საძოვრების ხარისხიც გაუმჯობესდება. სტაციონარულ ფერმაში წინასწარ იქნება დადგენილი კვების რაციონი, შეჯვარების პერიოდები, ფერმერს შეუძლია განსაზღვროს, როდის გაჩნდეს ბატკანი და სხვ. მარტში, მაგალითად, მუსლიმებს ბაირამობის დღესასწაული აქვთ და ცხვარზე დიდი მოთხოვნაა, მაგრამ ამ დროს ჩვენი ბატკანი 10 კილოგრამიც არ არის. სტაციონარში შესაძლებელია ეს ყველაფერი წინასწარ დაგეგმო და ბევრი ცხვარი მაშინ გყავდეს, როცა მასზე მოთხოვნა დიდია.



სხვა პირუტყვი, მიდიხართ, იხდით ბანკში 20 ლარს, შემდეგ კი მოითხოვთ, რომ საგადასახადო ორგანომ თავისი წარმომადგენელი გამოგიგზავნოთ. ის მოდის, ნახულობს, რომ ცხვარი ნამდვილად მკვდარია და მხოლოდ ამის შემდეგ ჩამოწერს. წინააღმდეგ შემთხვევაში თქვენ ჩვეულებრივად იბერებით საშემოსავლო გადასახადით. რა ქნას მეცხვარემ, მაგალითად,

გადარეკვის დროს, დაუშვავთ, 15%. დოლის დროს ხანდახან 15%-ზე მეტი გვეხოცება, ეს დამოკიდებულია ამინდზე, კვებასა და ბევრ სხვა ფაქტორზე.

- საქართველოდან რამდენი ცხვარი გადის საქსპორტოდ?

- ყოველწლიურად საშუალოდ 16 მილიონი დოლარის ღირებულებისა. ადრე ქართუ-

ყვანილი ცხვარი გაიყვანეს, ირანში კი ქართული ცხვარი ძალიან მცირე ოდენობით გავიდა. ბაზრების დაკარგვა მაღალმა ფასმაც განაპირობა. მაგალითად, შარშან სომხეთში 1 კგ ცოცხალ საქონელს 2 დოლარად ყიდდნენ, ხოლო ჩვენთან - 4 დოლარად. 2013 წელს საქართველოდან სულ გავიდა დაახლოებით 160 ათასი სული ცხვარი.

გაზაფხულის ზეიმი

წელიწადის ამ დროს გაზაფხულისა და დედის დღეებისადმი მიძღვნილი ღონისძიებებით გვანებივრებენ ჩვენი ქალაქის ბაგაბალებს ალსაზრდელები. N2 საბავშვო ბაღში ამ კვირაში გაზაფხულის დღესასწაულზეთან დაკავშირებული უკვე მესამე ღონისძიება ჩატარდა. ქალაქის დანარჩენ ბაღებში მიმდინარე სარემონტო სამუშაოების გამო, N2 საბავშვო ბაღში ბავშვთა კონტიგენტმა საგრძობლად იმატა, ამ რამდენიმე ხნის წინ შეიქმნა კიდევ ერთი 4-5 წლიანთა ჯგუფი. ახლადმოსულმა პატარებმა სწრაფად მოახდინეს ადაპტაცია უცხო გარემოსთან და პედაგოგებს, მშობლებს და მინვეულ სტუმრებს კიდევ ერთი ლამაზი დღე აჩუქეს.

ალსაზრდელების: მარიამ კუპატაძის, ელენა სესიტაშვილის, მარიამ გონაშვილის, ვალენტინა ხაჩატურიანის, თამარ კარაციალის, თემურ გოგილაშვილის, მათე კვენჭილაშვილის, გიორგი თეთრაულის, გვანცა კობაიძის, გიორგი გერგიშვილის, ნიკოლოზ მუსაელიანის, მიხეილ ალადაშვილის, ანა პოპოვას, გვანცა ქავთარაძის, დათა ხუნაშვილის, ლუკა რეხვიაშვილის, მარიამ ჯინაშვილის, ელენე გოგილაშვილის, ანა მურაკაშვილის, ქეთევან ბენაშვილის, დავით მარტყოფლიშვილის, არჩილ ნიკლაურის, გიორგი ალუღიშვილის და თამარ ჩუთლაშვილის მიერ მხატვრულად წაკითხულმა ლექსებმა და გაზაფხულისადმი მიძღვნილმა თბილმა

სიტყვებმა, ხალხურმა ცეკვა-სიმღერებმა მაყურებელი ალაფრთოვანა. ჯგუფის აღმზრდელის ქეთი ჯალიაშვილის, აღმზრდელის თანაშემწის ელზა ბენაშვილის, ძიძის მერი მოსეშვილის და მუსიკის მასწავლებლის აზა ლაპიაშვილის სრული მონაწილეობით და ახლადმოსულ ბავშვებთან განსაკუთრებული მიდგომით, ჩვენი პატარების მესხიერებას კიდევ ერთი ულამაზესი დღე აღებუქდა. როგორც ყოველთვის, ღონისძიების დასასრული გულისამრწყებელი იყო, პატარებმა დედებს კიდევ ერთხელ მიულოცეს დედის დღე, გაზაფხულის მობრძანება და მათთან ერთად "ვალსი" შეასრულეს.

ელზა ხარაშვილი



„რწყილი და ჭიანჭველა“ ბავშვების მონაწილეობით



ადამიანის პიროვნებად ჩამოყალიბებასა და ფორმირებაში დიდ როლს ბავშვობის წლები განსაზღვრავს. რამდენად ლალი, სიხარულით და პოზიტიური განწყობებით სავსე ბავშვობის ექვსი წელიწადი, გარკვეულწილად წნორედ ამაზე დამოკიდებული შემდგომში მისი მომავლის გზის სინათლეც. ბავშვი, მეგობრები და ურთიერთობა პატარისთვის უკვე ის პატარ-პატარა დაბრკოლებებია, რომელსაც იგი ცხოვრების

დასაწყისში პირველად აწყდება, სწავლობს მეგობრობას, ურთიერთობას, კულტურას...

სწორედ შემეცნებით აღმზრდელობითი მნიშვნელობის გახლდათ 13 მარტს დედოფლისწყაროს N2 საბავშვო ბაგა-ბაღში (დირექტორი ქეთევან ჩალახეშაშვილი) 5-6 წლიანი ბავშვების მიერ წარმოდგენილი ღონისძიება, (პედაგოგები მათა გავნიაშვილი და მარიანე ჯორჯოშვილი) რომელიც პატარებმა მეგობრობას, გაზაფხულს და დედის დღეს მიუძღვნეს. ღონისძიება გახსნა ამ ჯგუფის აღსაზრდელმა პატარა ირაკლი საბიაშვილმა.

„რწყილი და ჭიანჭველა“, ასე ერქვა საბავშვო სპექტაკლს, რომელიც ქართული ხალხური ზღაპრის „რწყილი და ჭიანჭვე-

ლას“ მიხედვით იყო წარმოდგენილი. თავგადასავალი, რომელიც რწყილსა და ჭიანჭველას გადახდა, პატარა სცენის ოსტატებმა ძალიან ლამაზად, მართლაც ზღაპრული ორიგინალობით წარმოგვიდგინეს.

ზღაპრული გმირების როლების მორგების შემდეგ, ბავშვებმა არანაკლები მონაწილეობით წარმოგვიდგინეს ლექსები.

„შენი შუქი გზას მინათებს, ჩემო ტკბილო დედა, შენს ძვირფას და ლამაზს სახეს სიზმარშიაც ვხედავ.“

ღონისძიებას მუსიკალურად აფორმებდა ბალის მუსიკის პედაგოგი აზა ლაპიაშვილი.

ზეიმის დაწყების წინ გამგეობის კულტურის, სპორტის და ახალგაზრდულ საქმეთა სამსახურის უფროსთან ქალბატონ თამარ თამაზაშვილთან ერთად მობრძანდა მუნიციპალიტეტის გამგებელი ნიკოლოზ ჯანიაშვილი, რომელთა ღონისძიებაზე დასწრებაც ერთ-

გვარი სიურპრიზი აღმოჩნდა იქ მყოფი ბავშვებისთვის, პედაგოგებისთვის და მშობლებისთვის. ბატონმა ნიკოლოზმა სიტყვით მიმართა ყველას: „მინდა მოგილოცოთ ეს დღე, განსაკუთრებით მოგილოცავთ მარტის დღესასწაულს ქალებს, პედაგოგებს, დედებს და მინდა განუგებოთ, რომ თქვენს შვილებს არაფერი მოაკლდება იმისთვის, რომ თბილ და საიმედო გარემოში იყვნენ, ჰქონდეთ კარგი საკვები და პედაგოგების სიყვარული. პედაგოგებს კი, მოგმართავთ და გპირდებით, რომ თქვენი შრომა აუცილებლად დაფასდება, აპრილის თვიდან ყველა თქვენგანს მოემატება ხელფასი, რისთვისაც თავდაუზოგავად ვშრომობ თქვენი სააღმზრდელო ცენტრის დირექტორთან მათა ხუმარაშვილთან ერთად.“ - გა-

ნაცხადა ნიკოლოზ ჯანიაშვილმა, შემდეგ კი ბავშვების მომზადებულ პროგრამას სრულად დაესწრო, დასასრულს კი სამახსოვრო ფოტოებიც გადაიღო მათთან. ღონისძიებას თამარ თამაზაშვილთან და ნიკოლოზ ჯანიაშვილთან ერთად, სკოლამდელი და სკოლისგარეშე სააღმზრდელო ცენტრის დირექტორი მათა ყოჩიაშვილი, ამავე სამსახურის სპეციალისტი ირმა ჯანაშვილი ესწრებოდნენ.

ლალი მხერჩვილი



სადღესასწაულო დღეების ქრონიკა

ქალთა დღეს მიეძღვნა მშვენიერი ღონისძიება, რომელიც 7 მარტს, ქ. დედოფლისწყაროს კულტურის სახლში გაიმართა.

ღონისძიებაში მონაწილეობა მიიღეს ქ. დედოფლისწყაროს კულტურის სახლთან არსებულმა ფოლკლორულმა ანსამბლებმა - „ქიზიყი“ და „ხორნაბუჯი“, ვოკალურმა კვარტეტმა, ხალხური საკრავების ტრიომ, ბავშვთა ქორეოგრაფიულმა სახალხო ანსამბლმა „შირაქი“ და ბავშვთა ქორეოგრაფიულმა ანსამბლმა „იმედი“.

ღონისძიება მიჰყავდა ქ. დედოფლისწყაროს კულტურის სახლთან არსებული ახალგაზრდული თეატრის „ბერიკონი“-ს მსახიობებს.

6 მარტს ქალთა საერთაშორისო და დედის დღეებს მიეძღვნა ღონისძიება დედოფლისწყაროს მხარეთმცოდნეობის მუზეუმში. სპეციალურად ამ დღისთვის ღონისძიების ორგანიზატორებმა მოინვიეს დედოფლისწყაროელი ქალბატონები. მუზეუმის თანამშრომლებმა ისაუბრეს ქალის როლზე საზოგადოებაში, გარკვეული ისტორიული ექსკურსიცი მოახდინეს და კიდევ ერთხელ მიმოიხილეს საქართველოს ისტორია, რომელსაც ქართველი დედის გმირობის მაგალიტები მრავლად ახსოვს. მონაწილეები

ვერ გაეცნენ თანამედროვეობას და არსებულ პრობლემებს, რომელსაც ყოველდღიურად აწყდებიან დედები.

ღონისძიებას ესწრებოდნენ დედოფლისწყაროს მუნიციპალიტეტის გამგეობის კულტურის, სპორტისა და განათლების სამსახურის უფროსი თამარ თამაზაშვილი და დედოფლისწყაროს კულტურისა და სპორტის ცენტრის ხელმძღვანელი ნინო ბახუტაშვილი, რომლებმაც დამსწრე საზოგადოებას მიულოცეს გაზაფხულის დადგომა და ქალთა დღესასწაულები და თითოეულ მათგანს პრობლემებისგან თავისუფალ საქართველოში ცხოვრება უსურვეს.

მადლიერება

ჩვენი მრავალწლიანი მოღვაწეობის მანძილზე ქალთა დღესასწაულების დროს, არასოდეს გვიგვრძენია თავი დაფასებულად, არასოდეს მიგვიღია ოდნავი ყურადღება ხელმძღვანელობის მხრიდან, მხოლოდ ახლა, ამ ხელმძღვანელობის მხრიდან ვიგრძენით ყურადღება და გვერდში დგომა, სარვამართოდ ყველა პედაგოგმა და თანამშრომელმა მივიღეთ 50 ლარიანი ფულადი საჩუქარი, რისთვისაც კმაყოფილებას გამოვთქვამთ და მადლობას ვუხდით დედოფლისწყაროს მუნიციპალიტეტის გამგეობის კულტურის,

სპორტის და ახალგაზრდულ საქმეთა სამსახურის უფროსს თამარ თამაზაშვილს, მუნიციპალიტეტის სკოლამდელი და სკოლისგარეშე სააღმზრდელო ცენტრის დირექტორს მათა ყოჩიაშვილს და მუნიციპალიტეტის გამგებელს ნიკოლოზ ჯანიაშვილს ამ დიდი სიხარულის მონიჭებისთვის.

პატივისცემით
დედოფლისწყაროს N2 საბავშვო ბაგა-ბაღის დირექტორი ქეთევან ჩალახეშაშვილი, ამავე ბაღის პედაგოგები და მოსამსახურე პირსონალი.

მონატრება

ლალი მაძლარაშვილი

ჩემი საყვარელი შვილი ლალი, უკვე მეტორმეტე წელია, რაც ამქვეყნიდან ნახვედი და დამიტოვებ დიდი სევდა, მწუხარება, ტკივილი და მონატრება...



შენ ხომ გიყვარდა ძალიან გაზაფხულის მოსვლა, იმიტომ, რომ შენი დაბადების დღე არის 19 მარტი...

რაც შენ ნახვედი შვილი, ამ ქვეყნიდან, ბევრი უბედურება დამატყდა თავს, მამაშენმა ხომ უთქმელად დამტოვა და შენსკენ მომავალ გზას დაადგა...

19 მარტს მოვალთ შენს მარადიულ სასუფეველთან, მოგიტანთ ყვავილებს, ცრემლით დაგინამავთ გულზე დაყრილ მინას და დაგინთებთ 37 წმინდა სათელს...

თქვენზე მარად მტირალი მარია მაძლარაშვილი.

ნუკრი მენთეაშვილი



ჩვენთვის. ნუკრი, შენ ხომ ჩემი ერთადერთი იმედი და პატრონი იყავი...

ნუკრი, შენ ისეთი კაცური-კაცი იყავი, რომ სიკვდილი ვერაფერს დააკლებს...

ჩემო ნუკრი, 28 მაისს ლამეს დაგისრულეს სიცოცხლე 40 წლის ასაკში...

ვის დილა იწყება ტირილით და მთავრდება ტირილით. შვილი ნუკრი, შენც ხომ მარტის თვეში ხარ დაბადებული...

შენზე მტირალი მარია მაძლარაშვილი

სსოპსა

რუსუდან ჯანიკაშვილი-ნატროშვილისა



18 მარტი შენი დაბადების დღეა, დედა! მე-სამე წელია უშენოდ აღვნიშნავთ შენს იუბილეს...

76 წლის გახდებოდი, დედიკო, შენი ცხოვრების მანძილზე არამართო საკუთარი, არამედ ჩვენი თაობის ძალიან ბევრი ბავშვის მეორე დედაც...

მეორე დედაც. შენ ხომ 30 წელზე მეტი ხნის მანძილზე ბავშვების აღზრდას ემსახურებოდი...

მონატრება

ნიკოლოზ საბიაშვილი



ოდესღაც ჩამოფრინდი, ჩემო საყვარელო და სასუფეველო შვილო...

15 მარტს, მწარედ გასახსენებულ დღეს, ერთი წელი გახდება, რაც სულთა სასუფეველში გადაინაცვლე...

მასხენდება შენი ერთ-ერთი თავისუფალი თემიდან აკაკის ლექსი რომ გაქვს გამოყენებული...

შენი გულმკვდარი დედა ლილი, მამა გუგუნი, ძმები: ზაზა და ნურბეი, პაპა ნიკოლოზ საბიაშვილი.

გამოსათხოვარი

რამაზ პონდოს ძე ცაძიტიშვილი



პირველად ვხვდებით გაზაფხულს და შენს დაბადების დღეს უშენოდ, შვილო...

სპარტაკი ძია დაგხვდა მანდ და ის მოგხედავს, შვილო რამაზ, ვერც ციცი ბებიაშვილი უშენობა და ისიც შენს გზას გამოჰყავს...

ლი და აუტანელია უშენოდ. 22 მარტს 41 წელი შეგისრულდებოდა, ჩვენო საყვარელო შვილო...

მეუღლე ირა, მშობლები: პონდოს და ცისანა ცაძიტიშვილები

თენგიზ კოღიაშვილი

რაიონის ინტელიგენციამ კიდევ ერთი ღირსეული წევრი დაკარგა თენგიზ კოღიაშვილის სახით...

„კურთხევა“ ეხერხებოდა, შინაგანად ძალიან მგრძობიარე და ფაქიზი იყო...

პატივისცემით ნაირა გორაშვილი.

უახლოესი მეზობლები: ვიოლეტა ნატროშვილი, ნელი ნატროშვილი, ნონა და ლია მაძლარაშვილები...

გიორგის გარდაცვალების გამო.

კლარა ოზაშვილი, ლალი, გუგული, ალექო ალადაშვილები ოჯახებით თანაგრძნობას უცხადებენ...

გიორგი ჯანაშვილის გარდაცვალების გამო.

უახლოესი მეზობლები: ვიოლეტა ნატროშვილი, ნელი ნატროშვილი, ნონა და ლია მაძლარაშვილები...

გიორგის გარდაცვალების გამო.

